



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Vnguentum Defensium XVIII

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

ri deberent, & cōcordia reddere. SE. Ad te hoc spectaret, qui illustrissimi Ducis aures semper paratas habes, & si aliqui parare nolent pharmacopolæ illos ut decet punire. BRAS. Ego circa alia (ut tibi palam est) occupatus sum, tamē huic rei ordinem impositurus sum, nam ex meis discipulis duos, aut tres eligam, quibus hoc munus demandabitur, & qui diligenter curabunt, ut composita medicamenta eodem fiant ordine, et ex eisdem simplicibus in eodem pondere. SE. At ad rem nostram redeuntes, quam compositionem de gūmi helemi seruandā eligeres? BRAS. Hanc quæ sequitur.

Recipe gummi helemi unc. III.

Resinæ pini unc. III.

Corticum granatorum

Thuris albi

Balaustiarum

Sarcocollæ

Singul. unc. semis.

Olei abiegni unc. II.

Lentiscini unc. I.

Ammoniæ drach. III.

Terebinthinæ unc. II. & semis.

Olei rosacei unc. I. & semis.

Ceræ quantum sufficit.

Misce, & fiat unguentum secundum artem.

SEN. Ego deinceps hoc seruabo. BRASA. Nec ab re facies.

S E N E X.

XVIII.

Defensiuum unguentum moras rupit, ut in examen ueniret. BRBS. Et hoc inconstantissimū est, optarem

r que

BRASAVOLI

que medicum tunc illud indicere, cum eo indiget, & confectum haud seruari, uerū à tuo quod paras incipiamus, quonam modo illud conficis? SE. Hoc modo.

Recipe Boli armeni
 Sanguinis draconis } Singulo. unc. II.
 Terræ sigillatæ }
 Olei rosacei libram unam.
 Cerae uncias III.

Aceti quantum sufficit.

Misce, & fiat unguentum molle. BRAS. Magnam tibi in hoc unguento diuersitatem ostendam: nonnulli enim sunt, qui & Ferrariæ, et in alijs Italiae urbibus ita conficiunt.

Recipe Olei rosati unc. I. & semis.

Cerae unc. V.
 Boli armeni } Singu. unc. VI.
 Sanguinis draconis }

Misce. SE. Et in ponderibus diuersitas est, & in simplicium numero. BRAS. Alij præterea sunt qui hoc modo conficiunt.

Recipe olei rosacei unc. III.

Lithargyrij } Singulor. unc. I.
 Boli armeni }
 Cerae modicum }

Misce, & fiat unguentum, postea duo ouorū uitella addantur, & camphoræ gran. V.

Misce. SE. Neq; istud cum alijs supradictis conuenit, licet nonnulla recipiat simplicia, quæ in ipsis insunt. BRAS. Audito & hoc aliud, quod & si cum primo in simplicibus conueniat, in ponderibus tamen differt.

Recipe

Recipe sanguinis draconis }
 Boli armeni } Sing. drach. III.
 Terræ sigillatæ }
 Cera scrup. VI.

Olei rosacei }
 Aceti } Singulor. quantū sufficit.

Misce, et fiat unguentum in mortario secundum artem. SE. Nō adest cum mea, præterquam in ponderibus, differentia. BRAS. Sunt et alij qui pondera quidem uariant, cum eisdem tamen utantur simplicibus.

Recipe Olei rosacei lib. I.

Cera citrinæ unc. I.

Boli armeni }
 Sanguinis draconis } Sing. un. I. & drach. III.
 Terræ sigillatæ }

Aceti quantum sufficit.

Misce, & fiat unguentum secundum artem. SE. Est tantū in pondere differentia. BRAS. Alij sunt qui ita breuiter parant.

Recipe Boli armeni }
 Sanguinis draconis } Sing. unc. II.
 Terræ sigillatæ }

Misce, & fiat puluis subtilissimus.

Postea iubent hunc puluerem aceto, & oui uitello misceri, membroq; adhiberi. Aliqui bolum armenum tātum, ac sanguinem draconis accipiunt: Alij addunt albos corrallos, alij acatiam, & similia. SE. Maxima est in hoc tam triuiali unguento diuersitas. BRAS. Sed talis quæ non magni referat: nam in nulla harum compositionum

r ij uariatur

uariatur intentio. SE. Et quanam est huius unguenti intentio? BRAS. Illa quam ipsius nomen indicat. cum materia aliqua prohibenda est ne in aliquem defluat locum, supra illum locum hoc unguento delinitur ad illam materiam repellendam, atq; repectiendam. adde adhiberi etiam ad partes adstringendas, ne huius generis materia in locum aliquem laesum decurrat. SE. A te scire optarem quodnam defensuum unguentum pro alijs seruandum iuberet. BRAS. Nullū prorsus, sed optarem potius, ut hi pulueres seruarentur ita cōmixti.

Recipe Boli armeni

Terræ sigillatæ

Sang. draconis, Acatie

Corallorum alborum

Scoriæ ferri

Sing. unc. I.

Misce, et fiat puluis subtilissimus: postea medicus qui defensiuo uocato uti uoluerit, statim ouorum albumine, aceto, et oleo rosaceo omphacino misceri iubeat, idq; fiat in aegri domo: At si tu confectū seruare uolueris, his pulueribus olei ros. omphacini lib. unam & sem. aceti unc. III. commisceto, et in plumbeo mortario probè agitato, postea cum eo uti uoluerit medicus, oui albumen addat, uel absq; albumine utatur. SE. Deinceps ut admonuisti seruabo. BRAS. Et ego sciam quod nam sim indicaturus cum unguētum defensiuum uocatū indixero.

S E N E X.

XIX.

Unguentum de Cornu cerui sequitur. BRAS. Arbitror te non esse inuēturū hoc unguentum in aliqua Italiae urbe, præterquā Ferrariæ. SE. Et forte nec Ferruriae